

محمود القطوعى

أشعار تجينى أيام

شعر

الطبعة الأولى - يونيو 2021

بطاقة الكتاب

أغاني القطوعى - أشعار تجينى أيام	عنوان المؤلف
محمود القطوعى	المؤلف
شعر	التصنيف
11952 - 2021	رقم الإيداع القانونى
978-977-999-005-7	الترقيم الدولى
757 الطبعة الأولى يونيه 2021	رقم الإصدار الداخلى
156 صفحة	عدد الصفحات
مؤسسة النيل والفرات	تصميم الغلاف

جميع حقوق الطبع والنشر محفوظة للمؤلف، ولا يحق لأى دارنشر
طبع ونشر وتوزيع الكتاب أو ترجمته أو الاقتباس منه أو نشره على
النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



مؤسسة
النيل والفرات
للطبع والنشر والتوزيع
أسسها الناقد ناجى عبد المنعم
حزق 2007

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 572-01-35
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
nagyegy200064@gmail.com **النيل والفرات**
alnilwaalfourat@gmail.com **النيل والفرات**
المقر الرئيسي: ج.م.ع محافظة الشرقية - العاشر من رمضان - مجاورة 13 - أمام سترال 13 - طابق 304

الإهداء

إلى (ن) التى أوجعتنى، وآلمت فؤادى برحيلها المفاجئ ،
فرأيت العالم بعدها خاويًا ، خاليًا من كل قيمة ومعنى ، ولما
حاولت نسيانها بعشق غيرها ، رجعت من رحلتى خالى
الوفاض معذبًا بذكرها وقول الشاعر يتردد فى أذنى :

نقل فؤادك كيف شئت من الهوى

ما الحـبب إلا للحبيب الأول

فإليك هذا الديوان

وقد نسجت فيه أشعارى ببعض أوجاعى وآلامى

الشاعر

محمود القطوعى

مقدمة

بعدما أمضى أبو الفرج الأصفهاني من عمره خمسين عاما ، وأخرج للوجود تحفته الأدبية كتاب الأغاني ، وقد بيعت نسخته الأولى بثقلها ذهابا ، أصبح من يومها مثالا يحتذى به ، لذا فقد أخرج كثير من الشعراء دواوين شعرية أسموها الأغاني، مثل الشاعر محمود حسن إسماعيل في ديوانه (هكذا أغنى ..) وكذلك الكاتب الساخر أحمد رجب في كتابه (الأغاني للأرجباني)

وعن نفسي قد كتبت أغاني أعبر به عن أحوال الأحبة والمقربين إن كانت سارة أو حزينة أو استلهاما لما يعانيه الآخرون وهاهو ديواني (أغاني القطوعى)- أشعار تجينى أيام عسى أن يروق لمن يقرأه ويمس وترا من أوتار قلبه

محمود القطوعى

يهتف على الزناد

قول كلمة حق
طريق الخلاص
قول أيوه ولأ
طلقات رصاص
العزيمه في وجودها
نور إيمان
مصر عاليه وعظيمه
من زمان
في السما
صوتها يجلجل

بالأمان
بالدما والروح نحقق
المراد
الأمّل بالمجد يهتف ع الزناد
عيش يامصري في
خير بلادك والولاد
الشباب جوه أرضه
هو الزلزال
لما يصون في
العرض أرضه
والقتال
والعمل بالحق يهتف
بالنضال
جوه قلبه شمس ديمّا

زعره خيرك
ولا يلاقي مهما
يدور وطن غيرك
خضرة روحه ببلاقيها
في ضميرك
حتي أمله ويا فجره
في مصيرك
ويا كلمة حق طريق
الخلاص
بايوه ويا لأ
طلقات رصاص

1976 م

اخترت المكان

اخترت المكان
اللي فيه اتقابلنا
من اول حب كان
اخترت المكان
اللي جمع ما بيننا
ورق الزمان
ساعتها قلبي
كان بيوصف الحنان
والشوق بيقابلنا
وبنحضن الامان

اخترت المكان
دلوقتي ببكي
حالي
وقسوة الليالي
وقلوب متعذبه
ياقلبي ليه
تخني مش
كنت بتامني
وكنت حته مني
وبتصرف كده
ورجعت اشوف
حناني في
مكانك ومكاني
واسال يكون
زمانى قال
راجع بالهنا

لقيته بعيد خلاص
سنين عدت قوام
معرفش ايه
جري فيها
وحكاية الايام
تبكي كتير عليها
وعلي كتير ياعيني
كانوا زينا
اخترت المكان

1995م

أخويا ياللي ماشي

أخويا ياللي
ماشي
في مشوار
الحياة
إسمعني ومتنساشي
ان إحنا عباد
الله
أخويا ياللي
ماشي
في مشوار

الحياة
حرام تضر
غيرك
وغيرك كان
محروم
قبله راجع
ضميرك
وشوفه إن كان
مظلوم
دي حياتنا
عايزه
طويل البال
فارس
والصبر معاه

خيال
ونقي قبله
الكلام
وإفهم كمان
معناه
حرام عليك
تغلب
وتعزب خلق
الله
أخويا ياللي
ماشي
في مشوار
الحياة

الأمله اللي إنت فيها
مسيرها لغيرك تروح
مركب والناس
عليها
والموج والريح سبوح
وترسي في كل مينا
وتتغير المواني
وياريت
باقية علينا
ولا علي
حد ثاني
ده اللي خلق عبده

وسواه قادر
ولا يقدر سواه
أخويا ياللي ماش
في مشوار الحياة
إسمعني ومتساشي
ان إحنا عباد الله

1975

الحق بيحقق مراده

مين وصلك يامصر
للي إحنا فيه
فوضي وظلم وعقل
تايه عمال
يغيب
إن كان عدو ولا
حبيب
فهميه جارحك ياغاليه
لازم يطيب
حلوه الصراحه ويا

الإيمان
طريق للحق هادي
وحبيب
واللي بيهدم يوم
هيبان
ويشوف حسابه قاسي
ورهاب
يامصر قومي شدي
العزيمه
دمري صرح
الضلال
خلي الحياة حلوه
وكريمه
لكل مصري بيعيش
حلال

يامسؤولين في الحكم
روقوا
شوفوا إالي بيهد
وشغال
إدوا كل شهيد
حقوقه
علوا من عزم
الرجال
سعدوا كل فقير
في سوقه
كفايه حرمانه إالي
طال
ياسهرانين فوق
الحدود
يامعديين بحر

المحال
العدو آسي ولدود
حزرنا منه بيحقق
كل الآمال
ونرد كيده بقوة
إسود
قوه هتسعد الأجيال
الفوضى سعي
المعتدين
والحقد فيهم آسي ودفين
وبلاش عناد في
كل دين
لبوا مطالب
الثوريين
بتصب ف مصالح

المصريين
العدو مش عايزكم
آمنين
ولا عايز الحياة
تروق
وينصلح حال الحزين
العدو فاجر وغادر
موجود معنا عايش
يدبر ويستعين
بكل خاين معاه
وقادر
يساعده بقوه توقف
سير المظلومين
إعرفوا مين هما دول

إكشفوهم حاصروهم
دمروهم
عرفوهم إحنا مين
إحنا التاريخ والدنيا تشهد
وكل إلي جاي
عليه قادرين
عرفوهم مضحوك
عليهم
وإن لنا أصل
ودين

من كل منفذ راح
نجيهم
وبالمرصاد مستعديين
يمكن نسيوا من
كان راعيهم
نسيوا مين
المصريين

14|3|2014 م

الطابونه

صبح الصباح
ذي ماصبح
ع الحبايب
صبح عليه
قمت من
نومي وفايق
أفرك بإيدي
ياناس عنيه
وسمعت أصوات
الطيور دقائيق
من ع السطوح

تبعث تحيه
رديت ولكن
جوفي فاضي
بدي أدور
علي لقمه
ليه
لفيت البيت
حته حته
ملقتش كسره
من رغيف
روحت اسأل
علي ابن
الجيران
يمكن يكون
ذوق ولطيف
ملقتش حد

موجود نهائي
ومنظر البيت
كان مخيف
قلت أجيب
مالطابونه
اللي قريبه
وفضلت ماشي
أسرح ثواني
والثواني ماشيه
غريبه
بلمح بعيني
لقيت طابور
طويل طويل
ملوش نهايه
وكل مايقرب

يخلص
يكمل ثاني
م البدايه
عجيب طابورنا
إحنا يابشر
عجيبه اللقمه
اللي بحكايه
ببص جانبي
لقيت طفل
صغير بيبكي
والطير علي
وشه كثير
كثير

مش عارف
يا عيني يهشها
قاع يعيط
م الرمل يشكي
مالي كل وشه
يبكي ويشكي
يقف ويسقط
يخطي خطوه
حتي دموعه
ببرشها
يدعك ف عينه
ولا حد شايفه
ويرجع ويحي
وينام مكانه
ويندب حياته

مع غشها
والست العجوزه
عمله لها لعبه
علي الرمل
الاخضر مربعات
فحراها هيه
في ايديها
طوب حبه
وحبه
حبه صغيره
وحبه كبيره
تنقل كبيره
وياصغيره
شويه بشويه

في كل مربع
طوبه ومحبه
تنقل يمين
وتجيب شمال
وشويه فوق
بنفس عفيه
وتخرج لبره
والحبه صعبه
علي قد ماتقدر
تشوف وتقضي يومها
كمالألوف
ويفضل طابور
العيش يطوف
علي كل فرنه

يحكي الظروف
ودموع حيارى
جوه الرغيف
وإحنا نقول
إكرم يارب
أنت الكريم لكل العباد
أنت اللطيف
إبعدنا عن
شر النفوس يارب
واليوم يعدي
هادي ونظيف

ونلاقي عيش
في كل بيت
ويكون ربيع
ف شتاء وصيف
ولاشكوي تيجي
حتي ف خريف

1992م

الغول

أول ما فتحت
عنيه
قالوا إوعي هناك
الغول
خوفوني وربوا
فيه
رعب وخوف
من أصل
القول
قلت ياواد
في مره إتجرأ
وروح شوف

الغول ده
إيه
وصفولي طريقه
وقالوا يغرق
إلي يروح له كده
برجليه
بردوا ماخفتش وفضلت
ماشي
أسأل ماروحتش
ياواد مجاشي
وعند الشط
لقيت الخوف
لقيت بط
لونه مخطوف
طاير مفزوع في

السما
عمال بيزوغ
ولا عمي
شيء غريب لبسني
الخوف
وقفت قريب
أبص وأشوف
وتجرات ومشيت
تاني
أمد الخطوة
بصوت حياني
وأقول ياغول
تطلع مين
أنا قد
القول

ملايين .. ملايين
وبكلمه واحده تنشق
إثنين
كلمة حق أغلي يمين
ولقنتي بجري
من ناب لناب
وأزيح بإيدي
غيم الضباب
لقيت الكعب م السم
داب
شيلت الجلد
ومشيت ع العظم
وشربت سم
وغرقت هم

وجيت أفوق
لقتني في غم
وظلعت أجري
ودمعي يسري
معرفتش أخرج
محتار في أمري
الغول شعره فيه
قازورات
والشعره الواحده تدبح
رقاب
وتزفر ورد الأحباب
وتلف دماغ
الناس
وتسقي المر في
كأس
ليله ملهوش

قمرایا
ونهاره مفهوش شمسیه
یفحر فحره بایده
علشان یدفن فیها حفیده
مریض لو شاف
بیقول آه یفضل
صاحی ویستناه
ویمشی لیلہ ونهاره
وراه یعزب فیه
ویزل مناه
ویشل الروح
ویسم دواه
ویخطف منه
الأمل فی الله
1974

أُمِّي نَادَتْنِي

أُمِّي نَادَتْنِي
نَادَتْنِي فِي
يَوْم
قَالَتْ فِي
حَلْمٍ حَلْمَتْهُوَلِي
جَرِيت وَأَنَا
وَأَنَا الْمَهْمُوم
وَدَمُوعِي تَقُول
يَا مَهْ إِحْكُهُوَلِي
قَالَتْ

من عزالنوم
أنا قمت يابني
مخضوضه عليك
في بحر
هموم بتعوم
ولاحد عارف
يابني ينجيك
وشكوتي لله
تدوم
رب العباد
قادر يداويك
فضلت أصحي
وأقوم
معرفش إيه

اللي جري
ليك
وقلب الام
عليك محموم
قلب الام
عارف ايه
فيك
حاجه يابني
خدتني بالليل
والناس نايمين
النسمه ماسمعتني
لكن في
قلبي حنين
رجليه فين
ودتني معرفش

روح فين
ولقتني قاعده
لوحي
والدمع ده
سطين
وايدي علي
خدي
علي شارع

فيه بحرين
يوم مولدك
ياولدي
شفتهم الاثنين
بحر الصبر
يابني
وبحر لدمع
العين

1984م

أنا مش حسامحك

ياه ده أنت
شيببت
قلبي إللي كان
شباب
في ماضي
هواك
ياه ده إنت
ضيعت الأمانى
وادي الندم
جوه العدم
ساكن قساك
حيرتني وإذاي

أخبي
عذاب قلبي
وإذاي أنساك
إذاي أنساك
فكرتني بماضي
حبي
وحاضر بعادي
وعذابي معاك
عذابي معاك
أنا مش هسامحك
طول ماجرحي
ساكن في جانبي
يبكي سنين
علي

ذكراك
جيت لك بقلبي
الشباب
وفرحه من بعد
الغياب
جواه أمانى
وشوق غلاب
بنظر بعينى
الاقى لك أحباب
وفضلت مكاني
وقلبي داب
وانت الزمان إنت
إنت اللي كان
إنت
إنت ورتني

الهوان
أنا مش حسامحك
طول
ماجرحي ساكن في جانبي
يبكي سنين علي ذكراك
هوانت عملت إلهي عملته
معايا قليل
ده إنت غلبت
الغلب في قلبي
ومش راح أميل
مهما الحظ إنشال
من الدنيا
وراح وياك
وراح وياك

1975م

أنت صديقي

أنت صديقي
العمر يا صاحبي
وأنا في حبي
بخلص ليك
ديما أفكر
يدوم حبي
وأبقي معاك
وبفكر فيك
عمري مبقدر
مره أخبي
عنك شيء

وبخاف عليك
وأنت كمان
نفس الاحساس
من آخر الدنيا
الف وأجيك
أصل كلامي
معاك مفهوم
وانت كلامك
ليه حكاية
لما يكون
في يوم
مهموم
برجع ليك
ولقيك ويايا
يعدي اليوم

ووراه يوم
وتجري الايام
وانت معايا
واقوم مشغول
من عز النوم
بلقي سؤالك
عني كفايا
لما بقولك
إسمع مني
أنا مبحبش
الف وأدور
حب العين
يسبقها النني

تفرش فرح
الدنيا زهور
اللي شاغلني
ومجنني إن صريح
ومش مغرور
وأحب صاحبي
اللي بيفهمني
ويبقى كلامنا
في عز النور

2014\4\4م

ايه ضيع الحنان

ايه ضيع
الحنان اللي
كان زمان
ايه غرب
الايام وغير
اللي كان
ايه حمل
القلب
القسوه والاحزان

ايه خلي
الحبايب تقسي
وتنسي اللي
كان
ونسמע حكايات
عجيبه
تبكي الشوق
والاشجان
ويصعب علينا
م الحبايب
ويئن القلب
الحيوان
ايه .. ايه
ايه ضيع

الحنان
تعالوا نرجع
الايام
ونغني ويا
الاحلام
والامل يهناله
كلام
وغرام يصحي
غرام
ويروح لكل
الحبايب
ويبعد الخصام
ويانسمة حب

تلالي
تسعد القلب
المحروم
ويافرحة قلب
غالي
وليالي العمر
تدوم
ويانشوة حلوه
جميله تبدل
الليل والهموم
والورد يضحك
في الخميله
والقمر ويا النجوم
والشمس تلاغي

الضليله
وتغزل ثوبها الدفيان
ونرجع الحنان
اللي كان
زمان حنان

2014

بطير حمامى

بطير حمامى
بنور الفضا
وبسرح بعينى
والف معاه
بلاقي زهور
السما محوده
بتعشق جماله
تردد غناه
ويبعث تحيه
وبسمه وسلام

ترطب شفايف
محبة هواه
تضم نجومه
بحضنه قوام
ويسمع لقلبه
للحنه ومناه
وفوق كل
بيت

بيبر حنان
وتسكن نجومه
جوه الغيطان
تفرع وتزرع
وتملأ المكان
ويفرد جناحه

بوسع الزمان
يلم ف حنانه
حبايب معاه
ياخدهم ف جنه
يعيشوا كمان
حمامى عزيز
الغنى والهنا
وله ف الامان
حكايه وغيه
وحبه ليومه
بمليون سنه
وشايل ف قلبه

نسايم هنيه
بطير حمامى
فى نور الفضا
وشبعان ولاقي
حبوبه هنا
ف أرضه
نديه
يعيش عمره
يبدر بدور
المني
تكفي ولاده
وتفضل بقيه
وموجه اللى دايم
وعالي

وهابط وباني
علي رمل
خيره
قصور انتصار
تنور بلولي
واصداف تلالي
ومن قلب
روحه
تلف بمدار
وينزل جناحه
بطول الثواني
يشق السحابه
بميت الف

دار
ويرسم شراع
لكل السفاين
مواني بيضحك
ضياها لنور
النهار

2002م

تجيني ايام

تجيني ايام
تسهرني
تجيني ايام
تحيرني
تجيني ايام
تبكينني
تجيني ايام
تنسينني
ومن دي
ايام

قضيت عمري
فرشت الدمع
فرشايه
وغطايا نسيم
ساري
بكت الاحزان
جوايا
ومن جوه
انا داري
ومين حاسس
بقاسايا
طواني الدهر
واشجاني
ودنيا تغيب

وتغلبني
تجيني ايام
تسهرني
قصدت الروح
تريحني
اتاري روي
نسياني
والفرح فين
يفرحني
ده راح
بعيد ولا جاني
وادي الايام
بتجرحني
واشوف احبابي

منعاني
وطيبة قلبي
تلمحني
الاقى الدمع
بكاني
والفرح ليه
مودعني
وفين يادنيا
وخداني
تجيني ايام
تسهرني

1998م

حاجه منى بتحاورنى

مهما توصف
بالكلام
إلى شفته معاك
كفايا
إن كان هنا
ولا خصام
طبع قلبي فيه
دوايا
وبعرف أحكي ذيك
تمام

بس صادق في
هوايا
وأعرف أسهر وأعرف
أنام
والب الموازين
معايا
حاسس إني وغصب
عني
مش طبيعي ويا
حالي
حاجه مني بتحاورني

ومغيره صفو
الليالي
وإنشغال فكري وظني
ومن عذابك
كان آساي
مهما توصف بالكلام
اللي شفته معاك
كفايا
اللي غيرني في
حالي
من عيونك شفت
الشماته
كان في ندمي
وإنشغالي

واخذ أمورك
بالبساطه
ولا عمرك يوم
تغير
في الحب قلبي
وشوق رضايا

حبك يداوى

لما الحياة إبتدلت
وإتغير الحقد
الكئيب
وولادنا للروح
كملت
وعرفنا مين هو الحبيب
دعوة شهيد إتسجلت
طول الحياه تكوي
اللهيب
إتكلمت رايه لقلبه

روحك أنا وخيرك
قريب
كل الأمور إتعدلت
وبتعدل في ليل
رهيب
غربان وحوش
إتبدلت
وإتخبطط في نور
غريب
يامصر صلاتك
للشهاد
خلت جمال روحك

نصيب
لو غاب حبيب فيكي
يدوب
يرجع لشوق خلاه
يطيب

حلوه ياسويس

حلوه ياسويس

يابلدي

يارمز النضال

تجمع كل الحبايب

وتحقق المحال

أرضك بتقويننا

وتحضن فينا الجمال

ربت فينا العزيمه

وشدة الرجال

رايتك للنصر عاليه

ومنوره القتال

حلوه ياسويس
يابلدي
يارمز النضال

عبرنا قنالنا
بعزيمه بتكبر
وكبرنا وقلنا الله
الله أكبر
غاليه حبة ترابنا
أغلي من الروح
وأكثر
والنصر من نصيبنا
وبشايه بتظهر

في العلم والتحدي
والعمل شغال
أكتوبر المجيد
كان وعد
الانتصار
يوم ماكتب الشهيد
بدمه علي النهار
عشت يا أغلي عيد
وأرواحنا لك منار
تنور من جديد
وتملي الدنيا عمار

ظاهر في كل خطوه
تعلي فوق الجبال
حلوه ياسويس
يابلدي
يارمز النضال

1993 م

خلي نورك

خلي نورك
يا عين
تشوفي بيه
باقي أحبابك
واللي صابك
حيشمت فيكي عذالك
ومنين يجيلك
نور يا عين
لو يوم راح نورك
مفیش إلا الجراح يا عين
دي اللي جايه تزورك

1967 م

دجيت ع الأبواب

دجيت عالآبواب
مافتح قلبك
مفتاحه
ياأبو العيون غضاب
مفرجه النوم
ولا إرتاحوا
جولي طريقك وين
يابوالعين
دبلانه
حلفتك باليمين

واليمين أمانه
لتعدي بحر الحنين
وتأخذ يوم
شكوانا
دجيت عالآبواب
ما فتح جلبك مفتاحه
يابو العيون
غضاب
مفرجه النوم
ولا إرتاحوا
وإن جابلك أيوب
في الطريق نادية
جوله صبرك يادوب
صابر عالي فيه

وإمسح دمع العيون
وإحكي له عن حالك
والله دمعك يهون
وكفايا ماجراك
دجيت ع الأبواب
مافتح جلبك
مفتاحه
يابو العيون
غضاب
مفرجه النوم
ولاإرتاحوا
يا مفارج هل لبلاد

لبلاد الهوي
الطيب ومعاك
فراجك زاد
ومن زاد بتغيب
والله هان البعاد
ويوم الهنا
جريب
وترجع للأولاد
يضمهم جلب
حبيب

دجيت عالآبواب
مافتح جالبك
مفتاحه
يالبو العيون
غضاب
مفرجه النوم
ولاإرتاحوا

م 1973

درويش

درويش متدروش في

حارتنا

عائش ليله مع

لمتنا

قلبوا مسامح كل

الناس

بعد ما عملو فيه

وسووه

يضحك بردوا ويشرب

كأس

مكتوب عليه والناس

خدعوه

فيه درویش لکن
حساس
وإنتوا دیما
تعرفوه
مالفکر ماغلبه
النعاس
بس مره
قدروه
درویش فی شوارع
المدينه
یاإدیتہ قرش یاما
إدتوش
وعنیہ تفتش

حوالينا
علي اللي
عجبه
والي ماعجبوش
وناس كثير
منينا
لايحنوا عليه
ولايرضوش
بس ينادوا
علينا
ويقولوا لنا
شوفوا الدرويش
ده برضو شيء

يسلينا
ولا الواجب
ما بنعر فوش
ياما فيه قلوب
كتير مساكينه
وفيه حقيقه من غير
رتوش
واللي بيلمح شيء
في عنينا
ببزيدهم
وما يكفيهوش
ساعات بننسي اللي
فيينا

وبيقولوا لنا
ما بتردوش
الله يسامح أخينا
ويسامح اللي
ما بيسامحوش
بخاف في
يوم
دي الأيام
أكثر من كده
ما ترضيش
في مره ماشي
ياسلام
سلم عليه راجل

درويش
قال لي حب
الناس مدام
الناس حبوك
ولا تعاديش
وارمي النظره كثير
قدام
شايف خير
ماتخبيش
واللي ببسبى
ينسى قوام
حتى الدنيا
مابتديش
لوادت مره يبقي تمام

والثانيه تقف
ولاتعديش
عايز تعيش كده في سلام
والعيشه معاك كمان
تعيش
غير قلبك يا الله قوام
وإعرف مين همه الدراويش
إعرف مين همه الدراويش

1967 م

وكرياجك على سبورة

ضربت الفكر
وحدوده
وناح قلمي على
بحوره
ولان صخرى
ولان حجرى
وكرياجك على سبوره
على جلدى
الى مترهل
حرق دمه
وفاض فيه

وتحت الجلد يتسهل
جروح القسوه والغيه
وانا قلبى
رقيق بيدق
وعد أيامه بالدقات
ومن جواه علينا يلق ..
ندم ف الروح
على اللي فات..
مع الخطبات كتير بتتن
وانا فكرى
يدور منى
وانا باجرى
مع التوهه
ومين قال لى
وسمع عنى

وكام لحقيقه غطوها
يكون إمتى
لفكرى لغاه
قصد يحرم
م القلب دواه
ومين قلبو
حكالو وشاف
سلب عينهم
وضاع نورهم
خرج م الدم
كان شفاف
دخل بالهم
وفى عروقهم
وانا شايف وبتعجب

وانا تايه فى بحر غويط
واقول إمتى
حقول واكتب
واقول إمتى
اشوف تخطيط
ما انا مهدود وباتألم
وهدونى كمان وكمان
وشفت الدنيا بتضلم
وشفت الإنس ويا الجان
ومين جايب
معاه حيلته
وماشى بيها
على كيفه
سمع مره
وجت سيرته

يغير بدرى
فى حروفه
وأناات الهوى تزوء
وعلى النيه
براوايح
ويادرب الهوى
روووء
على قلبك بناصايح
وانا شاييف
واقول معلوم
بنبض الروح بيتشرد
وافكر يوم
ده كان مقسوم

ولا يجينا ومتشرط
ويا فكر لفين ولفين
بتغيب وليه
وتنساني ومنى
تروح وبتسيبنى
وحالى غريب
وخلانى أسير
مجروح
ونبض الروح
بيتشوء
وانا المجروح
ولا يروء
طب اعمل ايه
وانا فى الحيره

مرار الحلق مررنى
ياروحى نفضها
سیره
يا نبض القلب
شاورنى
مع الخبطات
كتير تايه
ونواحى كتير
بتشن
وبتخلى الألم
علامات
عليك تبكى
وعليك بتنن
وانا سامع

فيا الانين
وبلغته لكل
عليل
وفى التوهه
مالوش رجلين
ومتشرد
مع المواويل
جنون الإنس
بتصاحبه
وواخدينه
مع الروقان
ومن جواه
حروف الجنس

وبتلاعه
مع الدوخان ومتعلق
بخيط شفاف
ومتحرك بشد الخيط
ومين شافه
ومن كان شاف
مهو واخذ
على التنطيط
وأخرتها
تروح أرواح
زماننا يقول
مهو منكوا
وعلى اللي راح

ليه نبكى
وفين تاهت
معادنكوا
انا قلبى صرخ
وانهد
وأدى حروفه
بقت شخابيط
ومين يقرا
واشوفه جد
ومين يقتل
شيطان الغيط

دوق نارك

دوق نارك
اللي دوقتهالي
افراح
محبه وعشق
حنان
ضيعت عمري
وزوقتهالي
خلتني اعيشها
وانا ندمان
حرممتي من
احلي حب

كان بيدور
كثير عليه
خليتو راح
لقسوة قلب
من روحه
ضاعت الحنيه
عاش بالخداع
وحب الكذب
ضيع حبايبي
وشمتان فيه
دوق نارك
اللي دوقتها لي
افراح محبه
وعشق حنان

عِشَّتِي فِي
أَحْلِي خَدَاعِ
مَوْتِي وَالْعَمْرِ
ضَاعِ
وَلَسَهُ جَايِ
تَسْأَلُ عَلَيْهِمِ
لَسَهُ فِ قَلْبِكَ
غَدَرُ لِيهِمِ
أَحْلِي حَاجِهِ
أَنْكَ جَرِيءِ
عَمْرُكَ مَا كُنْتَ
عِنْدِي بَرِيءِ
رُوحِ وَاجِرِي
وَحْدَكَ فِي

الطريق مش
حنقذك لو
يوم غريق
دوق نارك
اللي
دوقتهالي افراح
محبه وعشق
حنان

2007م

ذنبى إيه

أنا ذنبى إيه تزود
أنيني
وعملت إيه ديماً
نسيني
تجرح وتقسي
وتشتكيني
وأنا عمري ماأنسي
وياك حنيني
ذنبى إيه
أنا ذنبى إيه وليه

تشتكيني
حببت حياتي علشان
بحبك
ومليت كاساتي بالصبر
جنبك
وبقيت ليلاي أشكي
لقلبك
فرحت فيه
ليه
بكيت عنيه
ليه
سألت عليك ماسألت
عليه
ذنبي إيه
أنا ذنبي إيه

وليه تشكيني
ورد الغرام روينا
وانت نسيت
ترويه
صبر الليالي ضناه
وياريت تفكر
فيه
ياما ألعين
شيفاه
وعطر المحبه
اليه
تملي الأمانى لوآه
كان الوداد يواسيه
الورد اللي زرعناه دبلان

عايزك تكون ديما حواليه
ليه بتنسي ليه الحنان
ليه بتهجر قولي ليه
ذنبي إيه
أنا ذنبي إيه
أنا ذنبي إيه وليه
تشتكيني
مكتوب عليه أهواك وأحبك
وتبقي حبيبي وأفرح بقربك
تشوفك عنيه وأسأل عليك

وتسأل عليه وليه تفوتني
وتزرع قسيه وتشمت
ليه عزالي فيه
ذنبي إيه
أنا ذنبي إيه
وليه تشتكيني

1973 م

سبحان الله

في نور هداه
رحيم وساتر
خالق وقادر
يهدي اللي
تاه
سبحان الله
بالمعجزات يثبت
وجوده
هو الكريم
سامع علیم لمن

ناجاه
سبحان الله
واحد عظيم
إله الكون
مالك كريم
راحم حنون
في كل
شيء نلقي
رضاه
سبحان الله
يسجد لذاته
كل الخليق
إنس وجان

طالبين رضا
في نور هداه
سبحان الله
بشر محمد
يشفع لقومه
يوم الحساب
إختار محمد
أنزل عليه
نور الكتاب
حبه لإيمانه
وإصطفاه
سبحان الله

2014|3|14

سهر الليالي

سهر الليالي ياعيني طول عليه..
ما عرفش مالي ياعيني وايه جرى ليه..
علشان عشقت القمر والصحبجيه..
حببت ليالي السهر والسम्मيه..

سهر الليالي ياعيني طول عليه
غني الوتر وحنان حنان
قلبي إنفطر ورجع لزمان
والله السهر أهوه جاله أوان

سهر الليالي ياعيني طول عليا
معرفش مالي ياعيني وايه جرى ليه
علشان عشقت القمر والصحبية
حببت ليالي السهر والسسمية

سهر الليالي ياعيني طول عليا
لما أسمع صوتك وأتصور أجمل أنغام
بياخدني الشوق واروح أدور من أحلى منام
وأوصلك وبقلب منور أقول ياسلام

سهر الليالي ياعيني طول عليا
رق النسيم السارى وبسره باح
والهوى ده ولا دارى فين الأفراح
أتارى الحليوه شاري ولاد الملاح
سهر الليالي ياعيني طول عليا

سهران الليل

سهران الليل
وحيد ياباي
أسمع مواويل
وأدوب ياباي
والفكر بياخذ
ويودي
والله حياتي
ماهي بيدي
أختار..أختار
حيران ياباي

تلف السواقي
وتدور الايام
وياريت الاقي
ف عيني منام
أدور وأرجع
من تاني
لمكاني الاولاني
أختار .. أختار
حيران ياباي
الفرحه اللي
بحلم بيها
لما جيت
للدنيا

ياريت أعيش
ياناس فيها
كل ساعه
ثانيه
أعيش ويا حياتي
هنا وأفراح
وأقضي عمري
وساعاتي
والبال يرتاح
أختار .. أختار
حيران ياباي

1976م

شبهتك أنا بالذهب

شبهتك أنا
بالذهب
أصل الذهب
غالي
لقيتك لاتحب
ذهب
ولاتطلع في
العالى
وحبى عليك
إنكتب

وانت سر
موالي
ياأصيل في معدنك
وأغلي من كل
شيء غالي

1965

شغليهم يابلدنا

شغليهم يابلدنا
شغليهم
وارفعيهم فوق
كتافك ارفعهم
دول شبابك
اشركيهم في
شئونك اشركيهم
نوريهم
نوري ليهم
طمنيهم ولميهم
جوه حضنك

واحضنيهم
اللي ضحوا
بنور حياتهم
ارحميهم
خلي كل
شاب ف امانه
ابنه و داره
خلي كل
شاب يعرف
يعني ايه
معني نهاره
اللي فات

كان عذاب
ملفوف ف نار
خرب الدنيا
ومد ايده
ف العمار
اجمعي كل
الولاد ديما معاكي
همه روحك
وقت الشده
ف حماك
يرفعوا راسك لفوق
ينصروا النصر فداكي
يهزموا كل الاعادي

يدمروهم لما
يسمعوا نداكي
ويخلوا رايتك
يامصر عاليه
فوق كل اللي عداكي
شغليهم يابلدنا شغليهم
وارفعيهم فوق
كتافك ارفعهم

2013م

ضحكت عليك

ساعة ولادتك غلبتنا
جبت الهموم عذبتنا
كلفتنا أحمال كثير
قلنا ده خير من ربنا
وإتحمل الصبر الجميل
يمسح دموع صبرنا
في المدرسه ياما شقاوه
مكتوب عليك بهدلتنا
وكبرت والأيام تمر
إخترت كليه تمام
ونسيناهم اللي إندفع

قمنا ضربناك سلام
قولنا ربي يوصلك
تخلص سنين مره قوام
غربه ومشاكل حملتنا
ياريت تشوف العين منام
خلصت فين الشغل فين
فتشت عنه كل مكان
شيلتنا حملك هموم
واحتار معاك صبر الزمان
رحت هنا
جيت من هنا
كانت بلدنا حلوه وأمان
حتي الزمان لوعنا ياما
سافر وهات قرشين كمان

أول طلب ليك الجواز
والقلب من الغلب إنحسر
كسرت صورتك بعث عزاز
مش حتصلح ما إنكسر
رأيك لوحدك من دماغك
روحت ليهم ونسبت أبوك
لقيو مصاريك كتير
ما صدقو إنهم لقوق
حببت عندك مش مهم حد
جرب همومك في عذابك
ياريت تلاقي لك

ضمير بجد
ضيعت عمرك في شبابك
ياما نصحتك ما
سمعت رد
إختار بعيد عن الهموم
حتعيش سعيد خيرك يسد
ماشوفت لك أمال تدوم
برضو فضلت في
حياتك تهد
خليت ضميرك فيك يلوم
ظلمت نفسك مره روق

فكر حتندم لما تفوق
مش حتلاقي لك حقوق
وإدفع خسارتك بالذوق
أخرت عمايلك وإندفاعك
تخسرو تتعلم ودوق

يناير 2014

طاير يا حمام

طاير يا حمام
علي فين طاير
طب رد
سلام
علي فين
طاير
طاير بجناحك
الوردي
كنت تسلم وأنت
معي

ولا بتسلم ولا بتهدي .
ولا بتاخذ ولا بتدي ..
عمال بترفرف ف الفضاء ..
وزمنا راح وانقضى ..
لأ لأ يا حمام لأ مش كده ..
بقي ده اسمه كلام تعمل كده ..
مش يبقى حرام بالشكل ده ..
طاير يا حمام على فبن طاير .
ولا بتسلم ولا بتهدي
طاير يا حمام
علي فين
طاير

طب رد سلام
علي فين طابير
ليا عندك طلب
ياجميل
قريب منك
طبعك أصيل
حتوصل جواب لأهلي
وأحابي
وتشوف أحباب وتزور
أصحابي
أمانه يا حمام
لتطير في سلام
جرحي ماهينام
وأرجع لي

قوام
طاير يا حمام
علي فين طاير
طب رد سلام
علي فين طاير
طاير يا حمام

1964 م

طير يحب الحريه

الـحب نغمه
وحنينه
وطير يحب
الحريه
إفتح له
يطير
حيـبيب الخير
ويسعد حياتك
يا عنيه
الـحب لوتعرف

ده ملاك
فارش علي
الكون جناحه
وجنه خضره
بتستناك
وقلب ينادي
أفراحه
إشرب وجرب
ودوق حلاوته
حتلاقي طعمه
حلوفي
قسوته
طبعه الدلال
والملاغيه

الحب عمره
ماكان هجران
أو غيره وظنون
ولا قسيه
الحب شوق
هادي وأمان
وسحر النسمة
السمويه
طريقه الورد
أبوشوق هيمان
يزرع تقاويه إنسانيه

1967

طيرتي النعناع

طيرتي النعناع يانعيمة

طيرتي النعناع

وأنا قلبي ينباع يانعيمة

أنا قلبي ينباع

طيرتي الحليوه الوردي

مين حيفرح

قلبك بُعدي

عمر مايسعد

قلبك بُعدي

والفكر ده
كله أوجاع
طيرتي النعناع يانعيمه
طيرتي النعناع
حبك راحتته
في ريحته ليالي
وإنتي منايا
وحبي الغالي
وأجمل ذكرى
بتيجي علي بالي
حتي قمرنا في نوره العالي
كان بينور كل ليالي
ليه نسيته

أهو فأتنا وضاع
طيرتي النعناع
يانعيمه
طيرتي النعناع
وياريت حد في يوم هنانا
ولا بعت مرسال ودوانا
دول جرحونا
وجرحوا هوانا
وفرقونا وبعدوا لوانا
سبيك منهم قلبي أمانه
يسعد قلبك
لو يوم طاع
طيرتي النعناع يانعيمه

طيرتي النعناع
طيرتي النعناع الخفه
علي الحاجب
وفوق الشفه
وده جماله
يفوق العفه
مبيحبش في
العشق وداع
طيرتي النعناع يانعيمه
طيرتي النعناع
كان جايلك بجناح وحنان
وجايب لك

من الجنه أمان
وفارد لك
فوق روحه زمان
وزارع لك
من الحظ غيطان
خبيهم ده زمان خداع
طيرتي النعناع يانعيمة
طيرتي النعناع

2007م

عتاب

أبات الليل علي
ناري
وأصحي ويا
أفكاري
وتأخذني نجوم
سارحه
وياها هموم
جارحه

ويجي الصبح مش
داري
عشان بعث أنا
أحبابي
وفضلت أنا
الوحده
ماحد دق علي
بابي ولا روعي كانت
تهدي
ويا ما كلام من
أصحابي

صدقته وتاهت
الفايده
مرا جعتش في يوم
نفسي
وقلت إيه كانت
قاصده
شعر محمود القطوعي

نشر في جريدة القناه
الاحد 18 يوليو 2004 م
في صفحة فن وادب

عمر البكا

عمر البكا
ماكانت دموع
تملي العين
ولادمع سايل
علي الخدين
ياما ناس
بتبكي من
القلب جوه
ولايبان لهم
دمعه في
العين

من كتر
هم القسي
بات في
القلوب أنين
ومن يحس
باللي إتسي
والغريب نجيبه
منين
يسهل طريقه
وعسي
تجمع الأيام
قلبيين
تصبح أيامه
كويسه

مفيهاش غلب
الحزين
يارب تجمع
كل الحبايب
وتسعد القلب
ويا العين

1974م

فین زمان

عتابك مش عتاب
ولا كلامك فيه جواب
انا قلبي منك داب
ولا حرم ولا تاب
ولا كان ده طبعنا
ولا كان ده حبنا
دالشوق تاه وغاب
عتابك مش عتاب
فین زمان یا حبیبی
قولي فین فین زمان

لما كان حبنا
كان وكان ياما كان
كنا نقول إحنا الإثنين
ونقول كمان
والدنيا تضحك لنا
حبيبين ومفيش نسيان
دلوقتي بعيد عن
عيني فين
وفين كلامك وإنت ناسيني
ناسي الحنين
وناسي غرامك
وإذاي نكون أحباب
عتابك مش عتاب
أسأل قلبي اه ياقلب

قلبي كثير
وفضلت أداري
أداري وأخبي مالتفكير
وأقول يمكن بغير
ولا فيه حبيب ثاني
وقعت معاه أسير
وسيبني لحرمانني
وفضلت أصبر روي
وأداري علي جروحي
وقفلت كل باب
عتابك مش عتاب

1976 م

قلبي يسمع

قلبي يسمع
كل الناس
ويطمئن علي
أوجاعهم
ديما يخلص
في الاحساس
ويقولي ع اللي
بيعجبهم
وأعرف منه ان خلاص

عرفت السر وبطنهم
والقي الفرحة
تغني معايا
ويا البسمه من جوايا
وأناديهم بيها
ويا غنايا
بلاقي الدنيا تقول ويايا
وهمه كمان
مع سعد رضايا
بلاقي الحب
يزيد في جمالهم
حتي ولادهم
عرفواحياتنا
ومشيوامعانا

وويا أخوتنا
واللي شافونا
ذي حالاتنا
بالحب
يملوا كتير أوقاتنا
بكده كان
كل اللي
بيسعدنا
بروح الحب
تزيد فرحتنا
وبكده كان اللي بيسعدنا
بروح الحب تزيد فرحتنا..

16 | 3 | 2014م

قلبي ياطيب

طيا به
حزين زي
الربا به
تحب الناس
والقرا به
وتعشق شجرة
عنا به
وجناين وردك
في حضن
غابه
ترويهها دموع

لبلايه
في وحدتك
ماحد سائل
فيك
في غربتك
مين يداويك
فرقت حنائك
عليهم
ولا عدش ليك
من حد
حنان
كله علشان
ترضيهم
وصبحت وحيد

حيران
بتنادي عمرك
إللي راح
ما بين بكاء
وأنين ونواح
وتشوف بعينك
ياما أفراح
وتسأل قلبك
إمته هترتاح

1975م

كيف كيفك

وكيف كيفك
علي كيفك
وكيف كيفي
علي كيفي
وعلي بحر
العرب أسافر
أنا وظروفي
والكأس بدري
إنشرب وجربته
بمعروفي
من بعد

عشره وإنحسب
وحسابه مضبوط
وموافي
وكيف كيفك
علي كيفك
وكيف كيفي
علي كيفي
لو رحت
في بحر
الشمال جلي
ينادي واليفي
وشروج الشمس
علي القنال
وهوي الحب

المعروفى
وذكرىات جنه
وجمال وأنا
زاید علىك
خوفى
وكيف كيفك
على كيفك
وكيف كيفى
على كيفى
يوم ىجى
وقت الجمال
ولا يطیع حظى
ظروفى

أغزل الهوي
بحبال
وبكل حابل
موصوفي
وأبني فوج
عالي الجبال
قصر بالشوج
مسجوفي
وأذين الشوج
والدلال
وجلبي مربوط
بكتوفي
وأتحري وين
يخطو الغزال

واجمع م الحشي
حروفي
وكيف كيفك
علي كيفك
وكيف كيفي
علي كيفي
يا عاشجين بحر
المحال
لما الفرايح
بتطوف
عمري في
عشجي رحال
اسعي بشوج ملهوف

وين عند
الحبيب ان طال
روحي مطلوجه بسيفي
ابدل الصبر بوصال
والعمر دايم بشوفي
وكيف كيفك
علي كيفك
وكيف كيفي
علي كيفي

1984م

لما بتمطر تروق

لما تمطر تروق
ولما بتبكي تفوق
حبيبة عمري الدنيا
متحبش ولا مخلوق
طبايعها ديما نسايه
حكايتها مع الخلق حكايه
تفرش لنا مليون مشايه
إحنا نمشي ونفضل نمشي
وهي جايه

ولا بتعلي ولا بتخلي
ولا بتمد العمر ياخلي
واللي حصل لي
واللي وصل لي
إن حياتنا فيها تملي
نبكي عليها وهي ماتبكي
حتي عنينا دبلت منها
ومن شكوتنا
وهي ماتشكي
وبترميننا بشوق خطاويننا
وتدور بيننا
وتخلينا معاها نغني
وترمي غانا
وتغدر بيننا

وتكون عرفانا
وعارفه قلوبنا
وتغلبنا وبتغلبنا وبتقلبنا
وتروح رميانا
وتجري لغيرنا
وتنسي هوانا
وفرح لوقانا
وتروح وتسبنا
من غير ماتشيلنا
وبتنسانا وتعذبنا
آدي الدنيا اللي بتعجبنا..

1975 م

لما يجيلي جواب من عندك

كل شويه
يتوجع .. قلبي
لما يجيلي جواب
من عندك
خوفي بيحضن
فرحي
ويبكي ويجري
يطمان قلبي
بردك
فرح الدنيا

معايا قليل
حتي حنين
الذكرى ف بعدك
ياما دوبرى
بصبرى
ليلاى خدى
وقلبى وراحوا
على حضنك
كل شويه
يتوجع قلبى
لما يجيلى جواب
من عندك
أصل الخوف

في القلب
بيسرح
ويأخذ روي
ويدور بيها
حتي حنين
القلب يبجرح
كل أفراحي
ياريت يلاقيها
بتكون تيها
ولا في مطرح
تلقى حنانه
ويدفيها
تمشي تدور
وأفضل أشرح

ياريت يسمعي
اللي مكفيها
وأرجع وحدي
ولا يوم تفرح
والافراح موجوده
في ردك
كل شويه
يتوجع قلبي
لما يجيلي جواب
من عندك

2009م

ليه يادنيا

ليه يادنيا لما تبكي
عيون حبايبي
دمع شوق
الحب
يكثر جوه قلبي
والدموع تسأل
وتجري وتحورني
مافكرش إيه
بيجري ومين
سمعني

كل حاجه جوه
قلبي بتلاوني
كان صغير
قبل
حبه وبيطوني
ليه يادنيا لما
تبكي
عيون حبايبي
كان مقدر يوم ماجيت
بروح هنيه
عشت في الدنيا
وبنيت نفسي
بإديه

وانكویت..وانطویت
مكتوب علیه
وان حكیت ولا بكیت
أشرب قسیه
ولا عا جب مال حبا یب
حاجه فیه
كره..ولا حب ولا
نار قویه
لیه یادنیا لما
تبكي عیون حبا یبی
لیه زمان
الغدر

يجرح ويواسيني
يضحك لي مره
بشوق عيونه
ويراضيني
والرضا منه عذاب
ومش ناسيني
وانتهي مني الشباب
وضاع في
عيني
فيه حاجه من العتاب
مليه أنيني
إيه جراك لما غاب
حظك تجيني
ليه يادنيا

2006 م

ماتضحكيش يوم عليه

ماتضحكيش يوم

عليه

بعت قلبي

واشتريتك

اشتريتك معرفش

ليه

متروحيش للي

جني ع الحب

في اول

طريق

وانتي عارفه

مين .. انا
وقد ايه
قلبي بريء
عاهدت روحي
بعهد حبك
وارتضيت
والقلب راضي
مكنتش اعرف
ان غدرك
عايش ندم
حاضر وماضي
وليه عملتي
كده ليه

وعايزاني ارجع
بعد ايه
متضحكيش يوم
عليه
متضحكيش يوم
عليه

2004م

ماتناميش

ماتناميش وتتسبيني

ويا دمعي تايه

غريق

ليلي يحكي

ويواسيني

ويسبني وحدي

في الطريق

الامل يفضل

ناسيني

والحياه تفضل

تضيق

متناميش وتسبيني
ويا دمعي تايه
غريب
نفسي أنام
وأروح معاكي
ويا فرحه تحضن
هواكي
وأبقي حاسس
باللي فيكي
وتبقي حاسه
باللي فيه
والحياة تبقي
في إديكي

والقي نورها
في عنيه
وجوه الروح
يبقي الحبيب
يسعد القلب
البريء

متمايش وتسبيني
ويا دمعي تايه
غريب

2005م

مصر باقيه

مصر باقيه
مهما طال
ليل الزمان
مصر عاليه
تمد مع صوت
الاذان
مكتوب علي
صدر التاريخ
مجدها فوق
فوق كل
ركن من

أركان أرضها
مين اللي
يقدر يوم
يمس عرشها
تفنيه خيول
الموت
ويخسر الرهان
مصر باقيه
مهما طال
ليل الزمان
كل صخره
من صخور
الارض
فيها الروح
تنادي تسلمي

يا أغلي دره
تسلمي يانيل
بلادي
ولما تلقي
بس لعبه
جيه م الاعادي
تقوم عواصف
بالرعب تفنيهم
جوه البركان
مصر باقيه
مهما طال
ليل الزمان
إيه مصير

الظلم فيك
من سنين
دوري عليه
وشوفي راح
لفين
تلقيه دمار
دمر معاه
الظالمين
وانتي واقفه
بالعزيمة

وبإيدك رافعة
الميزان
مصر باقيه
مهما طال
غدر الزمان

2007م

نار المستحيل

لما الشباب
إتجمعوا
من قلب نار
المستحيل
شقوا طريق فجر
المحال
يشهد بخطوة لألف
ميل
يبنوا بدم الروح
سبيل
يمحي ظلام عتمه
وليل

يظهر جمال الحق
نور
من جيل لجيل
قوه ودليل
مهما سحاب الظلم
دام
راح ينفني في توبه
العليل
ويأخذ معاه أتباع
كثير
والي حبيقي منهم
قليل
يتعذبوا بنار إلهي
فات

يتعلموا بسيف
الدليل
يتبددوا في درب
الفناء
ثورة يناير لغم
وويل

2012م

ندرن عليه

ندرن عليه والله
لألم أحبابي
وأسافر علي مراکش
وأكتب كتابي
وأدعي الحبايب والخلان
يجوا يزفوني
زفة محب عاشق
هيمن
أمانه ما تنسوني
لتسهلولي طريق الفرح
وياكم

وتنورولي مكان الجرح
بهواكم
آخذ معايا صبري
وأنا معاكم

ندرن عليه والله
لألم أحبابي
وأسافر علي مراکش
وأكتب كتابي
وأقيد الشموع
ولأفي دموع
وزهور الورد
في كل مكان
وتشوف الكون

أخضر ميمون
يا جمال الأرض بقت
بستان
آخذ معايا صبري
وأنا معاكم
ندرن عليه والله
لألم أحبابي
وأسافر علي مراکش
وأكتب كتابي
وتفرو شولي الأرض بالحنه
والخضره
وبلا بل الورد تغني
لرب القدره
إلي بقدرته قادر

جمع حبايب
ياما
ولائسي وديما فاكرا
للناس
طريق السلامه
آخذ معايا صبري
وأنا معاكم
ندرن عليه والله
لآلم أحبابي
وأسافر علي مراکش
وأكتب كتابي

نظرة يا سيدة

السمك والرز
وأيام الخريف
وقعدت البيت
اللي في
ناصية الرصيف
والرغيف السخن
واللقمه اللي
متغمسه
بعرق الشريف
ولمة الاصحاب
والنكت والضحكه

ونظرة القلب
الضعيف
وأمل في بكره
نشوفه أجمل
صافي بجماله
بيغزل الثوب
النظيف
جنب زير
السيدة والمقام
يعلي في القلوب
الف موجه
لكل شريف
وروايح العطر
الجميل

طله تشجينا
من شبايك
عشقها اللطيف
في حكايات جديده
في خيالات الدليل
تبدد الظلم المخيف
مبروك ونظره
ياسيده
تحي الروح
في قلب العفيف

6|3|2014م

نواره

نواره نورت لي حياتي
يادنيتي وكاساتي
يافرحتي وآهاتي
كنت عني فين
ياللي جمعتي القلبين
بلبلين في السما طيرين
أفرش دنيتك أفراح
وأعطيك بالهوي

وليالينا
ليالي ملاح
فيها قلبين
سوي قلبي وقلب نواره
ياجوهره في مناره

م 1959

وانا في الصف الخامس الابتدائي

نور القمر

غايب
نور القمر
غايب
أتاري نوره
معانا
عريس وعروسه
حبايب
والفرحه مآنسانا
مبروك عليك
ياغالي خدت

بنت الاصول
اللي مقامها
عالي
والحظ معاك
معدول
أوصيك ترعاها
ورده في
بستان الحنان
حتشوفها شمعہ
قايدہ
ومنوره الزمان
أرويهامن
عيونك

وخلي الشوق
دفيان
وعودها علي
لونك
بالطيبه والحنان
حتلاقي الزرع
الاخضر
ملالك البستان
والدار يعمر
ويكبر
لما يلاقيك
إنسان
مبروك عليكم

فرحكم ياأغلي
الخلوين
ونلاقي ولادكم
جنبكم
بالليل نعسانين
ونيجي نهني
فرحكم
أحبه وفرحانين
ويسعد الفرح
عشكم علي
طول السنين

1978م

ياعود الريحان

ياعود الريحان
لم علمونا
برك امان
واحبابي فاتونا
هدوك للسجان
وساجاتونا
ياعود الريحان
من بعيد
بس اشوفك
طيف وحيد

وانادي طيفك
روحي تزيد
جروح بسيفك
وابقي وحيد
وانا وليفك
ياعود الريحان
لم علمونا
برك امان
واحبابي فاتونا
من عيونك
حرمونا
من همس
شوجك ضيعونا
حتي كلامك

طاف علينا
في القلب
دار نوره
ف عينا
والدموع
صبحت حزينه
ننظر اليها
وتقري اللي
فيها
ونخاف عليها
وتيجي تواسينا
تحن الجلوب
وحبك يرضينا
منك هوانا

وبك رضىنا
ياعود الريحان
لم علمونا
برك امان
واحبابي فاتونا
هدوك للسجان
وساجانونا

1997م

يا غريبه ليه

غريب ياللي
تعيش غريبه
كويها عذاب
غريب ياللي
مايسأل يوم
عليك أحباب
ولا يردوا علي
سؤالك
بربع جواب

ويحسدوك الناس
ودمعك عالخدود غلاب
يا غربه ليه وخداني
سيبيني أرجع
لأحبابي
أعيش العمر
من ثاني
وأنسي الهم وغيابي
الصبر عمره
ماقواني
ضايع وحيد
في عذابي
وهم الفكر خلاني
غريب عن
روحي وشبابي

أكلم رُوحِي
وَأَتَأَمَّلُ وَلَا أَسْمَعُ
غَيْرَ رَنِينِ
صَوْتِي
وَآجِي عَلَيَّ
نَفْسِي وَأَتَحْمِلُ
وَأَقُولُ يَا أَيَّامُ
عَلَيَّ خَيْرَ فُوتِي
أَقُولُ الْكَلِمَةَ
وَلَا أَكْمِلُ
وَأَخَافُ مَ الْوَحْدَةِ
وَسَكُوتِي
وَلَيْلَ الْغُرْبَةِ
بِيْطُولِ

وأنا المجروح
شاي ف موتي
تفكرني عيشه
وأحاب
وفرحة شوق
وأمني
والله زمني
زمان كذاب
يا غربه ليه وخذاني..
وزمني زمان كذاب
لقيتو راح ولا جاني.

وواعدنا نكون
أحباب
لكن بغدره رماني
غريب أنا
مع الأعراب
ولارد لجواب جاني

1976

ياللى هاجرنى وناسى

بزعل لما بعرف
يوم رحت له تاني
وأحزن لما أشوفك
في الفرح الأولاني
ويبكي قلبي عليك
ويحيرني زمانى
أنا إالى كنت ليك
وبحبك حنانى
إالى ملكته في إيدك

حبيبي إرجع عشاني
فاكر لما كان
بيقول ويعيد عليك
ويوصلك كلامه
وكنت أشوفه
في عنيك
أمسح لك كل دمه
وأقدم روعي ليك
وإدلك الف شمعه
تنور حواليك
وروعي تبقي سمعه
وجايه وبتواسيك
ياللي ملكش كلمه
مش قلبك اللي فيك
حبيبي الرقه فيه

زي ماهيه فيك
حبيبي خاف عليه
دأنا خايف عليك
وقلبي لك هديه
خده لقلبك يجيك
يطمن روحه فيه
لما يحس ببك
أنا عملت اللي عليه
وانت الباقي عليك

م2005

يانسمة الصبحيه

يانسمة الصبحيه
يافايته ع الغيطان
تنادي ع الصبيه
أم عيون غزلان
بتحبي الملاغيه
ولاده
شوق وحنان
هدي وردي
عليه

بقلبك الفتان
وإرحمي دمع
عنيه
اللي بقالو
زمان
عاش يحايل فيه
ويقول آن
الأوان
تهدي لنا
التحيه
بعد طول
النسيان
وتملي الدنيا

ديه
فرح وأمل
وأمان
يانسمة الصبحيه
يافايته ع الغيطان

1971م

يهون الله

دوري عجلك
يدور الخير
والرازج رب
الخلايج
جلبي علي
طبعك صبير
والصبر مفتاح
لفرايج
وجلوب حايره
في الصدير
والبال ياعيني

والله رايح
والبعاد عليه
مجدير
يهون الله
وانا سايج
سايره في
وادي اليمامه
سابجه الهدف
علامه
ويمين علي
شوج السلامه
ليكي في
طبع الايامه
كارهه روح

الملامه
عاشجه عود
الشهامه
صابره بصبر
الكرامه
جاضيه زين
الحوايج
دوري عجلك
يدور الخير
والرازج رب الخلايج

1976م

حكاية قلب..

حكاية القلب يحكيها..
وطهر الدمع يرويها..
حبيبتي روي بناديها..
راحت من روي ولاقيها..
دقوف الروح تغني لها..
وتترحم على روحها..
انا يا قلبي تئلمني..
هنا روحها على قلبي..
وبتألم على جرحي..
وجرحي يفتكر حبي..

تلاو عني عيون الصبر ..
ونوح أيامي على غلبي..
بداية شوق وحب العمر..
وفرحة للحياه توجع ..
زمان غادر يحب الغدر..
وجاب فرحه وليه ترجع..
اخدها من حشا روحي..
ولا لاقى دوا ينفع ..
بقيت بالحب انا مغرور..
نسيت انه ف يوم حيدور..
ويرجع لي ياخذ مني..
هنا روحي وانا معذور..
ومن بعدك قطم ظهري..
وشفت الناس بترميني..
وقاريبي وكل احبابك ..

سابوني لناري وانيني..
تدور ايامي وحيد مجروح..
ومين اللي يواسيني ..
دموع عيني تاهت مني..
انين روحي يراضيني ..
ادور فين راح ونيسي..
وفرح كياني وحنيني ..
ادور فين راحت عمري..
كانت بالروح تقويني ..
كفايا انك دويتيني ..
وسبتي الدنيا وجيتيني..
وكان عهدي اصون روحك..
ف قلب عذابي حيتيني ..
وعشت ليكي انا وقلبي ..
وكنتي الروح هنا عيني..

وقويتى كيان عمرى ..
وكافحتى وسندتيني ..
وربيتى ضنا روحنا ..
وتعبك كان بيكويني ..
وياما تعبتى ف رضاهم ..
مراهقه تنادى ربينى ..
وربيتى وكبرتى ..
وعلمتى وجوزتى ..
وسبتينى وحيد حساس ..
ولا منهم راقى عشتى ..
وشيلت الهم من تانى ..
وفاكر مره جت سيرتى ..
وقولت لى ..ياضى الروح ..

لوجاني الموت وخذ عمري..
حتعمل ايه من بعدي ..
حعيش عمري وحبقي يتيم..
نطق قلبي وقالها قوام ..
وكان قلبي ف حبه حكيم ..
ومن بعدك وحيد مظلوم ..
يقويني الهي رحيم..

محتوى الكتاب

2.....	بطاقة الكتاب
4.....	الإهداء
5.....	مقدمة
6.....	يهتف على الزناد
9.....	اخترت المكان
12.....	أخويا ياللى ماشى
17.....	الحق بيحقق مراده
24.....	الطابونه
33.....	الغول
39.....	أمى نادتنى

- 44 أنا مش حسامحك
- 48 أنت صديقى
- 57 بطير حمامى
- 63 تجينى ايام
- 67 حاجه منى بتحاورنى
- 71 حبك يداوى
- 74 حلوه ياسويس
- 78 خلي نورك
- 79 دجيت ع الأبواب
- 84 درويش
- 91 وكرباك على سبورة
- 101 دوق نارك

- 105 ذنبى إيه
- 110 سبحان الله
- 113 سهر الليالى
- 116 سهران الليل
- 119 شبهتك أنا بالذهب
- 121 شغلهم يابلدنا
- 125 ضحكت عليك
- 130 طائر يا حمام
- 134 طير يحب الحريه
- 137 طيرتى النعناع
- 142 عتاب
- 145 عمر البكا

- 148 فين زمان
- 151 قلبي ببسمع
- 154 قلبي ياطيب
- 157 كيف كيفك
- 163 لما بتمطر تروق
- 166 لمايجيلي جواب من عندك
- 170 ليه يادنيا
- 174 ماتضحكيش يوم عليه
- 177 ماتناميش
- 180 مصر باقيه
- 185 نار المستحيل
- 192 نظرة يا سيدة

197	نور القمر
201	ياعود الريحان
205	ياغربه ليه
210	ياللى هاجرني وناسى
213	يانسمة الصبحيه
216	يهون الله
219	حكاية قلب
224	محتوى الكتاب